

plum in honorem Eucharistiæ excitetur pro auspicata ac perenni pace obtinenda, servanda ac tuenda, et pro piandis simul animabus militum, qui in bello ceciderunt. Consilii auctorem pique Foederis conditorem non sine lætitia noscimus esse dilectum filium Cesarini Florinum, Sacerdotem superiorem domus Taurinensis Congregationis SSmi Sacramenti; minime enim Nos latet, eundem sacerdotem in ipsa Ecclesia Sanctæ Mariæ *di Piazza* instituisse Societatem Adorationis Nocturnæ inter homines, quæ, sociorum pietate præstans, iam uberem in Dominico agro segetem metitur. Quare, cum nuper exhibitæ Nobis fuerint preces, ut socii primæ classis, in scriptis in dictum Foedus a Laude perenni pro pace, peculiare nonnullas indulgentias largiri dignaremur, Nos, ut tam frugiferum opus potiora in dies, favente Domino, incrementa suscipiat, optatis his annuendum ultro libenterque existimavimus. Quæ, cum ita sint, audito dilecto filio Nostro S. R. E. Cardinali Pænitentiario Majore, de Omnipotentis Dei misericordia ac BB. Petri et Pauli Apostolorum Eius auctoritate confisi, omnibus et singulis sociis tam in scriptis, quam in posterum inscribendis in primam classem enunciati Foederis a *Laude perenni pro pace* iuxta ipsius tabulas, quoties se mente uniant reliquis sodalibus, recitando invocationem, contrito corde, *Fiat pax in virtute tua* toties iis de numero pœnialium dierum, in forma Ecclesiæ consueta, trecentos expungimus. Præterea fidelibus, qui dicto Foederi se in posterum inscribant, si ipso inscriptionis die, vel uno, ad libitum cujusque eligendo, e septem continuis immediate sequentibus diebus, Eucharistico Pane se reficiant et in quolibet templo sive sacello pro Christianorum Principum concordia, hæresum extirpatione, peccatorum conversione, ac Sanctæ Matris Ecclesiæ exaltatione pias ad Deum preces effundant, plenariam; insuper sociis dicti Foederis tam in scriptis, quam in posterum rite inscribendis, qui, vere poenitentes et confessi ac S. Communionem refecti, quotannis, Nativitatis, Epiphaniæ, feriæ quintæ hebdomadæ Majoris, Paschatis Resurrectionis Domini, Pentecostes, Immaculatæ Virginis Conceptionis, Deiparæ Virginis sideribus receptæ, Apparitionis S. Michaelis